



Hans Enoksen, Naleraq
Inatsisartunut ilaasortaq
inatsisartut@ina.alla.gl

Kangerlussuarmi umiarsualiviliornissaq pillugu § 37 naapertorlugu apeqquteqaammut 2024-84-imut akissut

12-06-2024

Sags nr.: 2024 - 9039

ID. nr. 92618995

Asasara Hans Enoksen

Postboks 909

3900 Nuuk

Tlf.: (+299) 34 50 00

E-mail: box909@nanoq.gl

www.naalakkersuisut.gl

Inatsisartut suleriaasianni § 37 naapertorlugu Kangerlussuarmi umiarsualiviup sananeqarnera pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Apeqqut 1: Kangerlussuarmi nutaamik umiarsuarnut pajuttaatinut takornariartaatinullu talittarfiliornissaq inatsisartut aningaasartassai ilanngullugit aalajangernikuusaat, suliaq sumut killippa?

Akissut: 2019-imut Aningaasanut Inatsimmi Kangerlussuarmi nutaamik umiarsuaviliornissap pilersaarusiornissaanut aningaasanik immikkoortitsisoqarpoq. Pilersaarusiornissamut kontomi pingaarnermi – 87.73.12 Umiarsualivinnut talittarfinnullu aningaasaleeqqinnerit – suliassap 082.24.129 – *Kangerlussuarmi umiarsualivik* ataani 4,0 mio. koruunit immikkoortinneqarput. 0,4 mio. koruunit aallarniutaasumik misissuinerit atorneqarput. Aningaasat sinneri sulii suliassamut atugassatut immikkoortitaapput

2020-mi aamma 2022-mi pilersaarusiornissamut piareersaatit nalunaarusiortoqarpoq. Nalunaarusiami 2020-meersumi tungaviumik nutaamik umiarsualiviliortoqartariaqarnera sulii naliliiffineqarpoq. Suliassap aallartinnissaanut naliliinerit naammassimangillat. Nalunaarusiami 2022-meersumi inuiaqatigiit aningaasaqarnerannut kingunerisassanik naliliinerit tungavigineqarput. Aningaasaqarnermut Akileraartarnermullu Naalakkersuisoqarfik nalilivoq, umiarsualiveqarfiup siunissami ingerlanneqarnissaanut periarfissat pillugit isummersuutit tamakkiisunik ilaatitsisoqanngitsoq. Taamaattumik sulii Kangerlussuarmi nutaamik umiarsualiviliortoqassappat iluaqutissat akornutissallu inaarutaasumik naliliiffineqarnerat amigaataavoq.

Apeqqut 2: Aallartinneqarsimangippat qaqugu aallartinniarneqarpa sanaartornissaq?

Akissut: Umiarsualiviliornissamut nalilersuinerit sulii ingerlapput, taamaattumillu sanaartornerup aallartinnissaa sulii ullulerneqanngilaq.

Apeqquut 3: Naalakkersuisut pilersaarutertit paaserusuppara?

Akissut: Umiarsuit aqquataata sioranittarnera piffissani angallaviusuni kingullerni umiarsualiviup atuisuinut annertuumik unammillertitsisarpoq. Naalakkersuisut aalajangerput, maanna unammilligaasunut iluarsiiiniarnermi Sikuki A/S suleqatigalugu pilersaarusiortoqassasoq.

Pisariaqartitsinerit maannarpiaq atuuttut pisariaqavissullu iluarsiiviginiarlugit nutaamik umiarsualiviliornissamut pilersaarusiornissamullu misissuinerit ukiuni arlalinni ingerlanneqartussaapput. Taamaattumik maanna umiarsualiviusup atuisut maannarpiaq pisariaqartitaannut piareerneqarnissaa pingaarnertut aallunneqarsimavoq.

Umiarsualivik maanna atorpeqartoq pillugu suliat naammasseriarpata, aammalu siunissami pisariaqartitat paasineqariarpata, Naalakkersuisut Kangerlussuarmi nutaamik umiarsualiviliornissamut suliat ingerlateqqissavaat.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Hans Peter Poulsen